

ქ. თბილისის მუნიციპალიტეტის მერიის
სსიპ „საგანგებო და გადაუდებელი სიტუაციების მართვის სააგენტო“

შენობის მოწყობის სამუშაოების სახელმწიფო შესყიდვის
გამარტივებული ელექტრონული ტენდერი

სატენდერო დოკუმენტაცია

ქ. თბილისი
2014 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტის ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.7 დამატებითი ინფორმაცია შეგიძლიათ მიიღოთ ქ. თბილისი, ცინცაძის #6, პირველი სართული. საკონტაქტო პირი: თედორე კასრაძე. ტელ: +99532 238-34-65. ელ-ფოსტა: tbilisi.emergency@gmail.com

2. ტექნიკური პირობები

2.1 ანგარიშსწორების პირობები:

2.1.1 სატენდერო წინადადებაში საერთო ფასი გამოსახული უნდა იყოს ლარებში, საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.1.2 ანგარიშსწორება მოხდება უნაღდო ანგარიშსწორებით ლარში.

2.1.3 ანგარიშსწორება მიმწოდებელთან განხორციელდება სამუშაოების სრულად დასრულების შემდეგ, შესაბამისი საექსპერტო დასკვნის წარმოდგენიდან 5-20 დღის ვადაში.

2.2 შესყიდვის ობიექტის ტექნიკური დავალება (შესასრულებელი სამუშაოები):

ქ. თბილისში, ს. ცინცაძის #6-ში მდებარე შენობის ოთახებისა და სველი წერილების სარემონტო სამუშაოების ჩამონათვალი და მოცულობები მოცემულია დეფექტურ აქტში - დანართი #1.

შენიშვნა:

1. სამუშაოების შესრულებისას გამოყენებული სხვადასხვა მასალები და მოწყობილობები უნდა იყოს მაღალი ხარისხის და შეესაბამებოდეს დადგენილ სტანდარტებს. ხარჯთაღრიცხვაში მოცემული კონკრეტული მწარმოებლის და მოდელის დასახელებები პირობითია, პრეტენდენტები თავისუფალი მოწყობილობების შერჩევაში, ხარჯთაღრიცხვაში პრეტენდენტმა აუცილებლად უნდა მიუთითოს მის მიერ შერჩეული დანადგარის/მოწყობილობის დასახელება, მწარმოებელი და მოდელი. პრეტენდენტის მიერ შერჩეულმა მოწყობილობებმა და დანადგარებმა მთლიანობაში უნდა უზრუნველყოს სისტემის გამართული მუშაობა.

2. პრეტენდენტმა უნდა მიუთითოს ფასები ხარჯთაღრიცხვის ჩამონათვალში მოცემულ სამუშაოთა ყველა სახეობაზე. ხარჯთაღრიცხვაში მოცემული სამუშაოების პრეტენდენტის ხარჯთაღრიცხვაში განუფასებლობის ან ნულით განფასების შემთხვევაში, სამუშაოები შემსყიდველის მიერ არ ანაზღაურდება.

3. პრეტენდენტებმა ხარჯთაღრიცხვის შედგენისას უნდა იხელმძღვანელონ „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 2012 წლის 12 ივლისის №1-1/1463 ბრძანებით.

გაუთვალისწინებელი ხარჯები მითითებული უნდა იყოს 3 პროცენტის ოდენობით.

4. სამუშაოების შესრულების ამსახველი დოკუმენტაცია უნდა წარუდგინოს შემსყიდველს, აღნიშნულ დოკუმენტაციაში ასახულ სამუშაოებზე მშენებლობის დარგის ექსპერტის მიერ მომზადებულ დასკვნასთან ერთად.

გაითვალისწინეთ: ექსპერტიზის ხარჯების ანაზღაურებას უზრუნველყოფს მიმწოდებელი.

2.2 შესყიდვის ობიექტის მიწოდების ვადები და პირობები:

სამუშაოები უნდა დასრულდეს სახელმწიფო შესყიდვების შესახებ ხელშეკრულების გაფორმების დღიდან არაუგვიანეს 10 დღეში.

სამუშაოების შესრულების ადგილი: ქ. თბილისში, ს. ცინცაძის #6

2.4 შესრულებული სამუშაოების სავალდებულო საგარანტიო ვადები:

შესრულებული სარემონტო სამუშაოების, დამონტაჟებული მოწყობილობებისა და დანადგარების საგარანტიო ვადა უნდა შეადგენდეს მინიმუმ 1 (ერთი) წელს.

2.5 პრეტენდენტის მიერ სისტემაში ასატვირთი მონაცემები:

2.5.1 შესასრულებელი სამუშაოების ხარჯთაღრიცხვა დანართი #1-ის შესაბამისად;

2.5.2 პრეტენდენტმა უნდა წარმოადგინოს რეკვიზიტები და ხელშეკრულების შესრულების უზრუნველყოფის საბანკო გარანტიის წარმოდგენის პირობა დანართი #2-ის მიხედვით.

2.5.3 სამუშაოების შესრულების გეგმა-გრაფიკი კალენდარული დღეების რაოდენობის მიხედვით.

2.5.4 ინფორმაცია 2013 წლების განმავლობაში განხორციელებული სამუშაოების თაობაზე (წარმოდგენილი უნდა იყოს გაფორმებული ხელშეკრულებების და შესაბამისი სამუშაოების შესრულების დამადასტურებელი დოკუმენტების ასლები), რომელთა ჯამური ღირებულება არ უნდა იყოს 50 000 ლარზე ნაკლები (დანართი #3-ის მიხედვით).

2.5.5 განხორციელებულ სამუშაოებზე დამკვეთის მიერ შედგენილი ერთი ან მეტი სარეკომენდაციო წერილი.

3. სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2014 წელი

ერთის მხრივ, ქ. თბილისის მერიის **სსიპ „საგანგებო და გადაუდებელი სიტუაციების მართვის სააგენტო“** (მის: თბილისი, ცინცაძის ქ. 6) წარმოდგენილი - მისი უფროსი ჯაბუკი შეშელიძის სახით (შემდგომში „შემსყიდველი“)

და მეორეს მხრივ „_____“, წარმოდგენილი მისი დირექტორის _____ სახით (შემდგომში „მიმწოდებელი“), ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვების შესახებ“ (შემდგომში „ხელშეკრულება“) შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ - კალენდარული დღე, კვირა, თვე.

1.4 „შემსყიდველი“ - ორგანიზაცია, რომელიც ახორციელებს შესყიდვას.

1.5 „მიმწოდებელი“ - პირი, რომელიც ახორციელებს სამუშაოს ამ ხელშეკრულების ფარგლებში.

1.6 „სამუშაო“ - ხელშეკრულების მე-2 მუხლით განსაზღვრული ხელშეკრულების საგანი.

2. ხელშეკრულების საგანი

ქ. თბილისში, ცინცაძის #6 მდებარე შენობის სარემონტო სამუშაოები (CPV –45400000, 45410000, 45430000, 45431000, 45431100, 45431200, 45432000, 45432100, 45432112, 45440000, 45441000, 45442110, 45442180, 45451300,).

3. ხელშეკრულების ღირებულება

3.1 ხელშეკრულების ღირებულებაა _____ ლარი.

3.2 ხელშეკრულების ღირებულება მოიცავს, როგორც შესასრულებელი სამუშაოს ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10 %-ზე მეტი ოდენობით გაზრდა.

4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულებით გათვალისწინებული სამუშაოების დასრულება ხელშეკრულების გაფორმებიდან 30 დღეში;

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

გ) უზრუნველყოს წინამდებარე ხელშეკრულებით გათვალისწინებული სამუშაოების შესრულება სამშენებლო ნორმების და წესების დაცვით თანდართული ხარჯთაღრიცხვის (შემდგომში „ხარჯთაღრიცხვა“) მიხედვით, რომელიც წარმოადგენს ხელშეკრულების განუყოფელ ნაწილს;

დ) შესრულებული სამუშაოების ამსახველი დოკუმენტაცია (ფორმა #2) უნდა წარუდგინოს შემსყიდველს

აღნიშნულ დოკუმენტაციაში ასახულ სამუშაოებზე ექსპერტის მიერ მომზადებულ დასკვნასთან ერთად, ამასთან ექსპერტიზის ხარჯების ანაზღაურებას უზრუნველყოფს მიმწოდებელი;

ე) წარმოდგინოს სამუშაოთა შესრულების შესახებ ფორმები, რომლებიც ასახავენ შესრულებული სამუშაოს მოცულობასა და ღირებულებას (შემდგომში „ფორმა #2“);

ვ) უზრუნველყოს უსაფრთხოების ზომების დაცვა;

ზ) ხელი შეუწყოს შემსყიდველს ინსპექტირების განხორციელებისას;

თ) უზრუნველყოს ამ ხელშეკრულებით მასზე დაკისრებული სხვა ვალდებულებების განხორციელება.

4.2 შემსყიდველი ვალდებულია:

ა) უზრუნველყოს შესრულებული სამუშაოს ინსპექტირება და დადებითი შეფასების შემთხვევაში მისი მიღება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. განხორციელებული სამუშაოების ხარისხი და გარანტია.

5.1 შესრულებული სამუშაოს საგარანტიო ვადა ვრცელდება თანდართული საგარანტიო ვადების და პირობების შესაბამისად.

5.2 ხელშეკრულებით განსაზღვრული სამუშაოების შესრულებისას გამოყენებული სხვადასხვა მასალები უნდა იყოს მაღალი ხარისხის და შეესაბამებოდეს დადგენილ სტანდარტებს.

5.3 ხელშეკრულებით განსაზღვრული სამუშაოები შესრულებული უნდა იყოს საპროექტო დოკუმენტაციაში აღნიშნული ნორმების, წესების და მითითებების სრული დაცვით, ამასთან სამუშაოების შესრულებისას გამოყენებული სხვადასხვა მასალები უნდა იყოს მაღალი ხარისხის და შეესაბამებოდეს დადგენილ სტანდარტებს.

6. ხელშეკრულების შესრულების კონტროლი

6.1 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე, მათ შორის 5.1 პუნქტით გათვალისწინებულ საგარანტიო პერიოდში, განახორციელოს მიმწოდებლის მიერ ნაკისრი ვალდებულებების შესრულების, სამუშაოების ხარისხის პერიოდული კონტროლი.

6.2 შემსყიდველი უფლებამოსილია განახორციელოს ინსპექტირება ხელშეკრულების შესრულებაზე, რისთვისაც გამოყოფს უფლებამოსილ პირებს: _____, რომელთაც შეუძლიათ ინსპექტირება განახორციელონ როგორც ინდივიდუალურად, ასევე ერთობლივად.

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნიტ შესრულებული სამუშაო, მიმწოდებელი ვალდებულია შემსყიდველის წერილობითი შეტყობინებით დადგენილ ვადებში გამოასწოროს წუნი .

6.4 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

7. სამუშაოს მიღება-ჩაბარების წესი

7.1 შესრულებული სამუშაოს მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელის მოწერით, ინსპექტირების განმახორციელებელი პირის/პირების დადებითი დასკვნის და მიმწოდებლის მიერ წარმოდგენილი ექსპერტიზის მიერ დადასტურებული ფორმა №2-ის საფუძველზე.

7.2 სამუშაოს მიღებას აწარმოებს _____.

7.3 თუ მიღება-ჩაბარების აქტი უნდა გაფორმდეს განსაზღვრულ დღეს და ეს დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიწოდების ვადის გადაცილებად.

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო.

8.2 ანგარიშსწორება მიმწოდებელთან განხორციელდება შესრულებული სამუშაოს ჩაბარებიდან 30 დღის განმავლობაში.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზის შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება, აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-13 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტის “ა” ქვეპუნქტით გათვალისწინებული სამუშაოთა დასრულების ვადების გადაცდენის შემთხვევაში ყოველ გადაგადაცილებულ დღეზე მიმწოდებელს ეკისრება პირგასამტეხლო სახელშეკრულებო თანხის 0.1% ოდენობით.

10.2 წინამდებარე ხელშეკრულების 6.3 პუნქტით განსაზღვრული პირობების დარღვევის შემთხვევაში ყოველ გადაგადაცილებულ დღეზე, მიმწოდებელს ეკისრება პირგასამტეხლო შესაბამისად წუნდებული სამუშაოს ან სხვადასხვა მოწყობილობის ღირებულების 0.1% ოდენობით.

10.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს ცალმხრივად შეწყვიტოს ხელშეკრულება და დააკისროს მიმწოდებელს ჯარიმა სახელშეკრულებო თანხის 5 პროცენტის ოდენობით.

10.4 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.5 მიმწოდებელი პასუხისმგებელია სამუშაოების დასრულების შემდეგ გარემოს საჭირო და სათანადო აღდგენაზე, აგრეთვე შეასრულოს სამუშაო უსაფრთხო და ეკოლოგიურად მისაღები გზით და მინიმუმამდე დაიყვანოს მუშაობით გამოწვეული ხმაურის, ვიბრაციის და მტკრის გავლენა.

11. ხელშეკრულების შეწყვეტა

11.1 შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

11.2 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

11.3 ხელშეკრულების ცალკეული პირობების მოქმედების შეწყვეტა არ ანთავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12. ფორს-მაჟორი

12.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

12.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

13. ხელშეკრულებაში ცვლილებების შეტანა

13.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

13.2 თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

14. ხელშეკრულების შესრულების გარანტია (არ გამოიყენება)

15. დავების გადაწყვეტა

15.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

15.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

16. ხელშეკრულების მოქმედების ვადა

16.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2014 წლის 31 დეკემბრის ჩათვლით.

18. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე. ხელშეკრულების ერთი ეგზემპლარი გადაეცემა მიმწოდებელს, ხოლო მეორე შემსყიდველს.

შემსყიდველი:

მიმწოდებელი:

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი, გვარი და თანამდებობა:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ბანკი კოდი:

ანგარიშსწორების ანგარიში:

ხელმოწერა და ბეჭედი

**მონაცემები 2013 წლის განმავლობაში
პრეტენდენტის მიერ განხორციელებული სამშენებლო-სარეკონსტრუქციო სამუშაოების
შესრულების შესახებ**

პრეტენდენტის დასახელება _____

#	სამუშაოს დასახელება	შემსყიდველის დასახელება	ხელშეკრულების ღირებულება	დასრულების თარიღი
1. 2. 3. #				

შენიშვნა:

პრეტენდენტს 2013 წლების განმავლობაში უნდა გააჩნდეს მინიმუმ 50 000 ლარის სამშენებლო-სარეკონსტრუქციო/სამშენებლო/სარემონტო სამუშაოების შესრულების გამოცდილება, რომელიც ინფორმაციის სახით მოცემული უნდა იყოს დანართი #3-ით გათვალისწინებულ ცხრილში. აღნიშნული, შესაბამის დადასტურებულ დოკუმენტაციასთან (ხელშეკრულებ(ებ)ი, მიღება-ჩაბარებ(ებ)ი), ერთად ატვირთული უნდა იქნას ერთიან ელექტრონულ სისტემაში ტექნიკურ წინადადებასთან ერთად.

ხელმოწერა _____

ბ.ა